

15-it 17-illu akornanni ukiulinnik Pinerluuteqarsimasunik Isumaginnittoqarfiup isertitsiviinut inissinneqartunik pinnittarneq pillugu nalunaarut

Kalaallit Nunaanni pinerluttulerineq pillugu inatsimmi § 200, § 203, imm. 4, § 214, imm. 7, § 223, imm. 7, § 225, imm. 6, § 234, imm. 5, § 235, imm. 2, § 236, imm. 2 aamma § 238 tunngavigalugit makku aalajangersarneqarput:

§ 1. 15-it 17-illu akornanni ukiullit isertitsivimmiittussanngorlugit eqqartuunneqartut Pinerluuteqarsimasunik Isumaginnittoqarfiup pensioniinut imaluunniit Pinerluuteqarsimasunik Isumaginnittoqarfiup avataani paaqqinniffimmut il.il. inissinneqassapput, inatsisinik atortitsinermi isiginiagassat aalajangiisuusumik pingaaruteqartut isertitsiviup avataanut inissiinissaq ajornartinnigippassuk.

§ 2. 15-it 17-illu akornanni ukiulik isertitsivimmut inissinneqassappat paaqqinniffimmik inissiiviusussamik toqqaaneq pinerluttulerineq pillugu inatsimmi § 196 tunngavigalugu pissaq, taamaattorli manna pingaartullugu aallaavittut isiginiarneqassalluni, tassalu eqqartuunneqartup angerlarsimaffigisatut najugaqarfianut qanittumi inissiisoqassasoq. Aallaavilli taanna saneqqunneqarsinnaavoq, taamaaliorneq pissutsinik inissinneqartup atugaanik, paaqqinniffiup pineqartup suussusianik massakkullu kikkunnit najugaqarfigineqarneranik naliliineq aallaavigalugu tunngavissaqarluartuusoq pisumi naliliisoqarpat.

§ 3. Pineqaatissinneqarnerup nalaani aatsaat nuussisoqarsinnaavoq pinerluttulerineq pillugu inatsimmi §§-imi 198-imi aamma 199-imi aamma inissiisarneq nuussisarnerlu pillugit nalunaarummi malittarisassat tunngavigalugit.

§ 4. 15-it 17-illu akornanni ukiullit inissiivimmi ammasumi inissinneqarpata isertitsivik pisussaavoq pineqartut immikkut nakkutigissallugit, matumani pineqartut isertitsivimmeeqatiminnit pitsaanngitsumik sunnerneqannginnissaannik eqqumaffiginninneq aamma ilanngullugu eqqarsaatigalugu.

Imm. 2. Pissutit isertinneqartup atugai isertitsiviup sivikinnerpaamik ullut 14-ikkaarlugit oqaloqatiginnissutigisassavai, matumani pissutsit ilinniagaqarnermut katsorsarneqarnermullu tunngasut ilanngullugit eqqarsaatigalugit, pineqaatississutigineqartullu ingerlanera eqqarsaatigalugu allannguinnissamut tunngavissaqarnersoq naliliisassalluni.

Imm.3. 15-it 17-illu akornanni ukiullit Pinerluuteqarsimasunik Isumaginnittoqarfiup direktøria akuersiseqqaarnagu isertitsivimmiittunik 17-it sinnerlugit ukiulinnik isersimaartarfeqateqartinneqassanngillat.

§ 5. 15-it 17-illu akornanni ukiullit immikkoortortaqarfimmut matoqqangajjatutum matoqqasumulluunniit qaqutigoorluinnartumik inissinneqarunik pineqartut taakku pisumi nalileereernikukt inissinneqassapput, taamaaliornikkut inuusuttut isertitsivimmeeqatiminnit pitsaanngitsumik sunnerneqarsinnaanerannut illersorneqarnissaat pitsaanerpaamik anguniarlugu.

Imm. 2. 15-it 17-illu akornanni isertitsivimmiittunik 17-it sinnerlugit ukiulinnikukiullit Pinerluuteqarsimasunik Isumaginnittoqarfiup direktøria akuersiseqqaarnag isersimaartarfeqateqartinneqassanngillat.

Imm. 3. Isertitsivimmiittunik 15-it 17-illu akornanni ukiullip ataatsimooqatigisinnaasaanik peqarnersoq isertitsiviup sulisuisa ingerlaavartumik isumaliutersuutigissavaat.

Imm. 4. Sulisut najuunneranni ataatsimooqateqarsinnaaneq akuerineqarpat 15-it 17-illu akornanni ukiullip pitsaanngitsumik sunnerneqannginnissaa eqqumaffigissallugu sulisut pisussaaffigaat.

Imm. 5. 15-it 17-illu akornanni ukiullip isertitsivimmiittunik 17-it sinnerlugit ukiulinnik ataatsimooqateqarnissaa akuerineqarsinnaavoq, tamanna inuusuttumut pitsaanagerussaq eqqarsaatigalugu naapertuuppat, pisumilu naliliisoqarnerata kingornatigut inuusuttup pitsaanngitsumik sunnerneqarsinnaan-nginnera ilimagineqanngippat.

Imm. 6. Ataatsimooqatigiinnissaq imm. 5 tunngavigalugu akuerineqarpat kina (aqqatigut taallugu) akuerineqartoq, piffissami sumi aamma akuersissut qanga (ullua taallugu) naanersoq pillugit allakkiortoqassaaq (notat). Ataatsimooqatigiinneq inuusuttumut pitsaanagerussamut naapertuuttusoq pillugu tunngavilersuut aammattaaq oqaatigineqassaaq.

Imm. 7. 15-it 17-illu akornanni ukiullit ataatsimooqateqartinneqarnissaat periarfissaqanngippat suliaq Pinerluuteqarsimasunik Isumaginnittoqarfiup direktørianut saqqummiunneqassaaq.

§ 6. 15-it 17-illu akornanni ukiulinnik isertitsivimmut inissiinermi inuusuttup nakorsamit nakkutigineqarnera pilertornerpaamik aallartinneqassasoq isertitsiviup isumagissavaa.

§ 7. 15-it 17-illu akornanni ukiullit ullormut nalunaaquttap akunnerini marlunni timiminnik atuisinnaatitaallutillu sungiusarsinnaatitaapput, taakkunannga sivikinnerpaamik nalunaaquttap akunnera ataaseq silami, taamaattorli tak. imm. 2.

Imm. 2. Silami aneerneq isertitsiviup isumannaallisaanikkut isiginiassanik isumaginninneranut ataneqartinneqarsinnaanngippat silami aneerneq killilerneqarsinnaavoq.

§ 8. Isertitsiviup 15-it 17-illu akornanni ukiulimmik tigusaqarneranit isertitsivik sapinngisamik pilertornerpaamik assersuutigalugu pineqartumut atuartsinermik sammisasaqartitsinermilluunniit neqeroorummik inuusuttup kajumissuseqarnera ataatsimullu pisinnaasai aallaavigalugit katsorsaanermi programmimik immikkut ittumik pilersitsiniassaaq.

§ 9. 15-it 17-illu akornanni ukiullip aneertarneq pillugu nalunaarummi § 27-mi malittarisassatigut aalajangersarneqartunit annertunerusumik aneernissaminut akuerineqarnera isertitsiviup siunertaqarluartutut isigiguniuk Pinerluuteqarsimasunik Isumaginnittoqarfiup direktøria tamanna pillugu inassuteqaammik saqqummiussivigissavaa, tak. aneertarneq pillugu nalunaarummi § 36.

§ 10. 15-it 17-illu akornanni ukiulik piffissami ingerlaannartumi sapaatit akunneri sisamat sinnerlugit sivilissusilimmi qaqutigooraluartumik kisimiittussanngorluni inissinneqaruni sammisassat kisimiittussanngortitsilluni inissiisarneq pillugu

nalunaarummi §§-ini 4-mi 5-imilu taaneqartut saniatigut i-nummut ulluinnarni sammisassaqtitsisumut sivikinnerpaamik nal. akunnerini pingasuni attaveqartarnissaminik neqeroorfigineqassaaq.

Imm. 2. Paaqqinniffiup pisortaata taamaaliornissamulluunniit piginnaatitaasup isertinneqartumik imm. 1 tunngavigalugu sammisassaqtitsiniarnermi pilersaarusiaq sapaatit akunnerannut ataasiarluni suliarisassavaa.

§ 11. 15-it 17-illu akornanni ukiulik ineeqqami mattussivittut isumannaallisakkami qaqtigooraluartumik inissinneqarpat, inuusuttoq aalangeerneqarsimanersoq apeqquataatinnagu, inuusuttoq misissoqqullugu isertitsiviup nakorsaq ingerlaannartumik qinnuigissavaa. Inuusuttoq nakorsap misissussavaa, taamatut misissuineq erseqqissumik pisariaqanngitsoq isumaqanngikkuni.

Imm. 2. Ineeqqami mattussivittut isumannaallisakkami inissiineq nal. akunneri 24-t sinnerlugit ingerlaannassasoq aalajangiisoqarpat tamanna isertitsiviup Pineqarluuteqarsimasunik Isumaginnittoqarfiup direktørianut ingerlaannartumik nalunaarutigissavaa. Nalunaarutiginninnerup taassuma inissiinerup ingerlaannarnissaanut piumasaqaatit eqqortinneqarsimanerannut erseqqinnerusumik tunngavilersuut imarissavaa, ineeqqallu mattussivittut isumannaallisakkat pillugit nalunaarummi § 11 tunngavigalugu nalunaarusiamik kiisalu ineeqqat mattussivittut isumannaallisakkat pillugit nalunaarummi § 12, imm. 1 aamma 2 tunngavigalugit alaatsinaannermi immersugassamik immersorneqarsimasumik ilaqartinneqassalluni.

§ 12. Isertitsivimmiittoq pinerluuteqarnerup nalaani 18-it inorlugit ukiulik pinerluttulerineq pillugu inatsimmi § 149, imm. 1-imi oqaaseqatigiit aappaat tunngavigalugit misiligummik iperarneqassanersoq isertitsiviup isumaliutersuutigissavaa. Tamanna pillugu inassuteqaat Pinerluuteqarsimasunik Isumaginnittoqarfiup direktørianut saqqummiunneqassaaq.

§ 13. Eqqartuussut tunngavigalugu inissiinerit pillugit suliat sapinngisamik annertunerpaamik nukingiullugit suliarineqartassapput.

§ 14. Nalunaarut manna 1. januar 2010-mi atuutilersinneqarpoq.

Kalaallit Nunaanni Pinerluuteqarsimasunik Isumaginnittoqarfik, 7. december 2009

THOMAS NICOLAISEN